

lib. V. hist. intellecto canone Apostolico, quo pertinet Apologia *Bibliade* apud *Eusebium*. Adeamus sigillatim vero, secundum ordinem ætatis Ecclesiæ Christianæ, quæ opponuntur. *Seculo I. A. C. 57. Synodus Antiochena* peculiari canone roborat præceptum Apostolorum. Sit ita. Quid tum? Antiochena Ecclesia ipsa erat, cujus gratia Hierosolymitanum coiverat Concilium; illa ipsa, quæ alebat in sinu suo imbecilles fide Judæos, ergo par erat maximopere hæctenus consilium Apostolicum ibi & observari & inculcari. Nil inde pro abstinentia sanguinis morali & perpetua. *Seculo II. Justinus* opponitur, in *explicatione Quaestionum a Gentibus propositarum*, & in *Apologia I. pro Christianis*. Sed *prior liber*, ut habet exploratio eruditorum, alium auctorem habet, & forsan abstemium, viventemque in Ecclesia particulari, hæctenus secundum consilium Apostolicum victitante. *Posterior* abominatur mensas gentium cruore idololatrico repletas & merito exosas Christianis, quas in *epistola ad Diognetum* cum Christianorum mensis comparando communes pollutasque *Justinus* judicat, Judæorumque *meticulosam circa cibos cautionem* taxando oppido abstinentiam sanguinis diserte docuisse vix deprehendetur. Verba ejus hæc sunt: τὸ γε περὶ τὰς βρώσεις αὐτῶν ψοφοδεές, καὶ τὴν περὶ τὰ σάββατα δαιμονιαν &c. καταγέλασα καὶ ἄδεν, ἀξιαλόγη &c. Et quid faceret privati Doctoris dissensus, forsan non recte perceptus, contra melius intellecta Apostolorum verba? *Eleuthericus* Episcopus Romanus meretur sententiæ pro abstinentia sanguinis hoc Seculo alicubi militanti opponi, e Synodo decernens, *nullum cibum Christiano abominabilem statuendum*. Martyr quidam *Alcibiades* ab *Eusebio* narratur in carcere tantum sale & pane cum aqua usus; qui cum argueretur, quod creaturis DEI non uteretur, & aliis formam scandali derelinqueret, deinde *omnia* fertur cum gratiarum actione percepisse. Nil hic adeo pro vetito sanguine, ut omnia e contrario sint explicanda, aut saltem docendum e consuetudine hujus Seculi, sub titulo ciborum generali sanguinem non contineri. *Seculo III. Minutius Felix, Tertullianus,*

lib. V. hist.
c. 3.

P. 3.